

Social

Tur hende kier mira solucion real pa problema di adictonan ambulante...

Fundacion “Adopt an Addict” ta gradici p’e sosten recibi den Caya Betico Croes



TUR hende cu a duna nan sosten n’e boluntarianan di “Adopt An Addict” den Caya Betico Croes diasabra ultimo durante dia ta aplaudi e bon trabao cu e fundacion ta haciendo. Esey ta duna cada boluntario mas gana di sigui traha pa yuda e adictonan cu kier drecha nan bida. Diasabra cu algun buzón di Cruz Cora e fundacion cu ta Adopta un Adicto representa cu polo y tambe pechi a cana den caya. Ademas di e sosten di bishitantenan den caya grandi tabatin tambe un cantidad di comerciante cu a contribui cu algo den e buzón.

Cada adicto ta costa e fundacion 7560 florin pa henter su tratamiento di 24 luna. Esaki ta inclui tambe e pasashi, su pasaporte si e no tin y 100 dolar pa luna durante su estadia na Republica Dominicana na Hogares Crea Dominicano.

MAMBO a dedica su campaña specialmente n’e Fundacion “Adopta an Addict” locual tambe e fundacion ta hopi contento cune. Cada florin cu e comunidad contribuï por yuda na trece un solucion p’e problema di adictonan. Asina cu un hende

puntra den caya grandi pakico e contribución ta, ora nan haya contesta e cartera ta habri sin problema y nan ta tira loke cu nan por.

Pesey mes e Fundacion “Adopt an Addict” ta gradici tur hende cu pa hopi tempo a sostene e fundacion y mescos otronan cu diasabra tabata yuda. Prome cu fin di aña e miembronan di e fundacion lo tey un biaha mas den caya grandi p’asina sigui busca e sosten cerca e comunidad cu hopi biaha t’esnan cu ta bira victima di tur e problema cu e adictonan ta causa.

